

(ciep geizgonq)
Vahsug gangj: Saeh ndei mbouj gyaeraez. Caen dwg yienghneix bw! Cingq youq ranz Aungeih saedcej gvaq ndaej haemq ndei seiz, cix fatseng gienhsaeh hawj Aungeih caen siengj mbouj daengz ndeu. Ngoenz-haenx dwg ngoenzhaw, haw sanq le, vunzmbanj miz caet bet boux caez naengh aen ci siujswlunz dauqma ranz, ci hai daengz buenqlloh, aenvih sabci mbouj ndaej, roengz lohlingq seiz fan roengz lajroen bae. Caet bet bouxvunz ndaw ci cungj deng daenz youq laj ci. Saehcingz gaenjgip, miz vunz ganjma ndaw mbanj bauq, heuh Aungeih vaiq bae gouq vunz, Aungeih dingqnyi vunz bauq le, sikhaek ganj bae yawj. Mwh Aungeih ganj daengz, baez cazyawj, dah lwgsau dengsieng naek haenx gaenq goenqheiq lo. Dah lwgsau neix caeuq Aungeih caemh ndaw ranz caencik nei. Couhcinj Aungeih geijlai mizsim siengjgouq dah caencik neix, hoeng, mbouj miz rengz aeu mbwn cienq dauq. Aungeih siengsim dwk youh bae gouq lingh geij boux deng sieng haenx, caenhliengh gemj mbaeu gij in gyoengqde. Ciuqleix gangj, Aungeih yienghneix gouq vunz mbouj loek saek di, hoeng couh dwg gienh saeh neix, hawj Aungeih simnyap daengz seizneix, lumjnaeuz de guh baez saehloek hung ndeu.

Saehcingz dwg yienghneix, Aungeih bang geij boux dengsieng mbaeu haenx roengz yw le, dauqmaz daengz ranz, dingqnyi vunz mbanj gangj bouxhaici rox ci daenz dai vunz le, siengj mbouj doeng, gag dauqma ranz, gwn ywnungzyoz, seizneix youq ndaw ranz yaek dai lo. Aungeih baez dingq, ndawsim siengj : Fan ci gaenq dai bae boux vunz ndeu lo, baenzlawz lij aeu dai vunz ne. Aungeih sikhaek buet coh ranz bouxhaici bae, muengz laeng muengz naj, nyengh dawz boux de daj ndaw fwngz duzfanzg duet dauqma, bouxhaici ndaej gouq lo. Daeggo dah lwgsau dai bae haenx, siengj hawj boux hai ci haenx dai bae, byawz rox seizneix, Aungeih dauqfanj dawz de gouq dauq, simnyap dangq-maz, laihnaeuz dwg Aungeih mbouj goq naj beixnuengx, mboujdanh mbouj gouq caencik swdgeij, dauqfanj bae gouq ndaek vunz hai ci fan daenz dai



dahnuengx swdgeij, couh hujdengdeng dwk ndaq Aungeih yak dingq yak rwz. Daj seizhaenx hwnj, ranz lwgsau dai bae haenx caeuq ranz Aungeih goenq lo. Vunz ranz lwgsau dai bae haenx, lij youq najvunz laengvunz gangj vahrwix Aungeih, cug riengmax doxdik, hawj vunz ndaw mbanj lai dwgcaengz vunz ranz Aungeih.

Gvaq geij bi le, ranz Aungeih hwnq ranzlaeuz seiz, daeggo lwgsau dai bae haenx, youh ndumj saeh lo, sien dwg gangj ranz Aungeih luenh cimq dieg guh ranz, caiq dwg gangj ranz Aungeih baenzlawz gungzgoj, byawz bang de hwnj ranz laeuz,

caemhcai q lij bien goj gangj Aungeih seizgonq iemq cienz vunz, seizneix hwnj ranz, lau dwg bae gizlawz caeg ndaej cienz daeuj hwnj. Mboujlwnh daeggo lwgsau baenzlawz gangj, cungj dwg aensim ndeu, mbouj siengj hawj Aungeih gvaq ndaej ndei, hawj vunz liz Aungeih gyaegyang bae. Yung h cungj banhgap neix daeuj bauqhaemz Aungeih, doiq ndaw ranz beixnuengx baenzneix, Aungeih mbouj guh saekdi sing, Aungeih nyinhnaeuz “boux mbouj guh caeg, aek mbouj dot”, caih vunz baenzlawz gangj, swdgeij byaij ndaej cingq, lau de dangq viz. “Ro en gyae rox rengz max, ngoenz raez rox

sim vunz.” Mwngz gangj duh mwngz, gou guh duh gou. Saenq ndaej gwnz mbwn miz da, vunz guh gijmaz, gwnz mbwn cungj rox.

Dahraix, caenhguenj daeggo lwgsau haenx baenzlawz gangjsedsed, gyoengq vunz mbanj cix mbouj saenq vahfangz de. Youq bilaeng ndaw mbanj senj duicangj seiz, gyoengq vunz ndaw mbanj cungj senj Aungeih guh duicangj. Aungeih hix mbouj hawj vunz mbanj satmuengh, de daiq gyoengq vunz ndaw mbanj, doxgiet doxhuz guhbaenz goengloh suijniz doeng daengz ndaw mbanj, lij daiq vunz ndaw mbanj dawz diuz rij iq gaij baenz diuz suiqli sam mienh lweng, caiq lij daiq gyoengqvunz ndaw mbanj dawz ngau rin yaek doek gwnz ding-bya laeng mbanj buen deuz, cawz baez vunz ndaw mbanj seizseiz yousim haenx.

Aungeih couh dwg boux vunz yienghneix, naeuz mingh ndei ma, youh mingh rwix. Miz vunz gya ez de, hix miz vunz dwgcaengz de. Hoeng, mboujguenj baenzlawz yiengh gvaq-daeuj, daengz seizneix, gyoengq vunz mbanj de, vanzlij caenciet dwk heuh de guh “Aungeih”. (sat)

Sai: Nuengx ndaw suen miz mak,
Go cup bak hozhaenz;
Cam mwngz dah nuengxngaenz,
Nyaemq saek aen ndaej mbouj.

Mbwk: Mak caengz doek saejndw,
Beix gwj cam gwj haemq;
Daengz ndaej sou seizhaenx,
Lau beixngaenz ndi ngah.

Sai: Mak hoij rim gwnz go,
Beix soh yaek dai ngah;
Ndi ndaej gwn cixbah,
Danh ndaej gvaq laj go.

Mbwk: Gvaq laj go guhmaz,
Lau rumhaz oen camx;
Beix aeu byaij loh gvangq,
Byaij cingq dangq loh ndei.

Sai: Langh ndaej gvaq laj go,
Beix hoz cix lai hai;
Youq laj go youz byaij,
Ndae j gajhat yietliengz.

Mbwk: Mbwn hwngq ndit youh ndat,

Cup Bak Baenz Ciuhvunz

相爱一辈子

□Veiz Vwnzgauh/韦文高

Hozhat sim engq fanz;
Song raeuz ma coh ranz,
Gungh aenvan j gwn souh.

Sai: Langh nuengx gangj yienghneix,
Couh bae cam ranz mwngz;
Domh mak caengz hai gwn,
Raeuz song vunz cix hah.

Mbwk: Cam ndi cam bouxlaux,
Nuengx dauq ndi mizmaz;
Cei q lau beix gangjgyaj,
Gwn gvaq cog youh lumz.

Sai: Beix cien caen fanh caen,
Mbouj saenq mwngz daeuj bop;
Daj aek daengz ndawndok,

Caih mwngz bop mbat gaeuq.

Mbwk: Bop aek ndi rox sim,
Mo din ndi rox gya euj;
Langh beix mwngz ndi yaeuh,
Cix aeu mbwn guh cingq.

Sai: Gwnzmbwn miz duzbyaj,
Baihlay miz duzyou;
Langh beix dwg sim yaeuh,
Byaj bag gya euj daisieng.

Hab: Fanhfanh ngeix mbouj daengz,
Bouxlaux haengj hai bak;
Song raeuz haeuj suenmak,
Cup bak baenz ciuhvwnz.

Seiz Veiz Gozcingh maeuqdiemj youq Liengzdungz haenx, itbuen gij hozdung duh swcgih dangjcwng gihgvan, de cungj mbouj bae camgya gvaq, dandan baez ciepraen neix, de mboujdanh swdgeij bae camgya, lij iu le Ho Yiyenz、Anh Bingzswng h doxcaeuq camgya. Aenvih song boux goengdaeuz neix caemh youq Guengjdoeng guh gvaq fuswngj cangj.

Veiz Gozcingh caeux dingqgangj gvaq, vunzguhnaz Cauzs an gig ak ndaem naz, sijsaeq dajndaem, canj-liengh gig sang. Bi 1964 nienzco, de bae cunghnanzgiz hai hoih, ndaej rox Diegbingz Cauzs an 7 aen yienh si 200 lai fanh moux haeuxsonggeiq, bi 1963 bingzyaenz mouxc anj ndaej 1106 gaen, hoeng seizneix gij haeux-songgeiq Guengjsae, bingzyaenz mouxc anj cij ndaej 400 lai gaen. Doengzyiengh dwg ndaem naz, doxca baenzlaux, de it fuengmienh gamj-

daengz nungzyez Guengjsae doek-laeng, lingh fuengmienh caemh gamjdaengz Guengjsae ndaem naz haemq miz rengzndumj.

Doiq Guengjsae mbefat haeux-gwn, Veiz Gozcingh caeuq geij boux suhgi dangjvej ndaw gih, soqlaiz cungj daezciengq song diuz ga byaij loh, it dwg demgvangq dieggeng, ngeih dwg daezsang canjliengh. Yawj gyae bae, demgvangq dieggeng cungj dwg miz hanhdoh, hoeng daezsang dancan j

ne rengzndumj gig laux.

Haeuxnaz ok ndaej lai roxnaeuz noix, haemq daih cingzdoh dwg souh suiqli、namh、bwnh、ceh caeuq nazreih bingz mbouj bingz daengj gij doxgaiq neix yingjyangj. Hoeng, roxdaengz gij cingzgvang Cauzs an le, gij swhsiengj bouxvunz caeuq gij dinfwngz daj-ndaem caemh miz cozyung youqgaenj.

Dieg Cauzs an vunz lai nazreih noix, gyoengqde youq suiqli、namh、bwnh、bingzcingj nazreih daengj

fuengmienh cungj miz gij diuzgienh ndei. Daih dingzlai diegfueng Guengjsae ne, siengj cauh baenz gij diuzgienh neix, lij aeu ciengzgeiz roengzrengz cij ndaej. Hoeng, gij swhsiengj vunzguhnaz Cauzs an ndaem naz hawj gwzming haenx caeuq gij dinfwngz gohyoz ndaem haeuxnaz gyoengqde, vunzguhnaz Guengjsae ne ndaej doq bae hag ndaej, caemhcai q sikhaek ndaej ok hongndaej.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

daengz nungzyez Guengjsae doek-laeng, lingh fuengmienh caemh gamjdaengz Guengjsae ndaem naz haemq miz rengzndumj.

ne rengzndumj gig laux.

Haeuxnaz ok ndaej lai roxnaeuz noix, haemq daih cingzdoh dwg souh suiqli、namh、bwnh、ceh caeuq nazreih bingz mbouj bingz daengj gij doxgaiq neix yingjyangj. Hoeng, roxdaengz gij cingzgvang Cauzs an le, gij swhsiengj bouxvunz caeuq gij dinfwngz daj-ndaem caemh miz cozyung youqgaenj.

Dieg Cauzs an vunz lai nazreih noix, gyoengqde youq suiqli、namh、bwnh、bingzcingj nazreih daengj

fuengmienh cungj miz gij diuzgienh ndei. Daih dingzlai diegfueng Guengjsae ne, siengj cauh baenz gij diuzgienh neix, lij aeu ciengzgeiz roengzrengz cij ndaej. Hoeng, gij swhsiengj vunzguhnaz Cauzs an ndaem naz hawj gwzming haenx caeuq gij dinfwngz gohyoz ndaem haeuxnaz gyoengqde, vunzguhnaz Guengjsae ne ndaej doq bae hag ndaej, caemhcai q sikhaek ndaej ok hongndaej.

(caengz sat)